

桂平縣志卷十八

紀地

物產上

物產之重遠古已然自秦漢前經傳之文有記各物所產之地者禹貢職方是也有記各物生變之時者堯典月令夏小正是也有論各物生命之應者大戴記易本命篇是也有寫物之性情者詩三百篇是也有定物與物相配之用者小戴記內則是也戰國間屈原宋玉之賦咸體物而瀏亮知爾時考察必有專家及乎漢世爾雅說文諸書爾雅為漢世古學家所輯而託之周公其實非也於鳥獸虫魚草木之屬莫不分別部居剖析徵細詩賦家如

桂平縣志卷十八

紀地 物產上

一

粵東編譯公司承印

司馬相如揚雄之倫淵雅希於屈宋遺文可攷也至於張華博物陸璣疏詩彥若狀草木於南方景純述山川之怪異崔豹古今之注賈勰齊民之術又其後焉者矣夫孔子之教曰近取諸身遠取諸物見易繫辭曾子傳之則曰致知在格物孟子傳之則曰明於庶物故六藝之作咸綜斯旨志者史之分部史者六經之支流苟有述作必依歸孔氏無違多識之訓況今學校教授博物立為專科將欲就地研求舍邑志奚據而往日撰者固語焉不詳或非珍異特產不書又不知所以切問而近思也今故博采兼收以動植別為兩大綱辨其形性問其所出古今方言異同涉於物名者並為攷證焉

動物

凡禽獸鱗介蟲族俱名動物西學分爲有脊與無脊兩大類有脊者禽獸鱗介無脊者蟲夫物固當有脊特如植物之花有現有不現而已西說未可遽從也故今用中說

禽之屬

翡翠 說文翡赤羽雀也出鬱林翠青羽雀也出鬱林考桂平漢屬鬱林說文爲漢許慎作據其言知二鳥爲平產物今俗名翠爲青翠雀身色青有奇采名翡爲珊瑚鵠色紅似珊瑚與說文合翡翠又名半天釣鵠又名師父鵠舊志失載
杜鵑 又名杜宇又名子雋又名子規又名鷓鴣陳子昂詩鷓鴣鳴悲

桂平縣志卷十八

紀地 物產上

二

粵東編譯公司承印

耳是也又名思歸本邑多有舊志云二三月間晝夜啼所謂不

如歸去者其音宛然惟尾聲多二字杜鵑啼血杜鵑花亦紅如血且二三月間開故名

錦雞 即雉雞或名野雞又名蛇雞

斑鳩 毛詩翩翩者鷓說文曰祝鳩也卽此物爾雅曰夫不郭注今鷓鳩也段氏玉裁云鷓鳩今俗呼爲勃姑鷓鴣語之轉由段氏說推則斑鷓亦爲語之轉

布穀 詩鳴鳩毛傳作秣鞠爾雅曰鳴鳩鵠鷓字異音同方言作結誥擊穀郭氏云今之布穀也江東呼爲穫穀按今之郭公也以穀雨後鳴古名今名皆象似其音左傳曰鳴鳩氏

司空也召南序云德如鳴鳩曹風傳云鳴鳩之養其子朝從上下莫從下上平均如一月令仲春鷹化爲鳩鄭云鳩博穀也季春鳴鳩拂其羽鄭云鳩鳴飛旦翼相擊趨農急也鄭意鳴鳩即博穀鳴鳩猶鳴鳩也以上參攷段氏說文注今按邑內催耕鳥亦有結誥擊穀之音

鷓鴣 詩衛風吁嗟鳩兮無食桑葚卽此物爾雅作鷓鴣本草作鷓嘲形似山雀而小尾短色青黑

白鴿 卽鶉鴿鶉白聲近說文鴿鳩屬段云鳩之可畜於家狀全與勃姑同按桂平所見鶉鴿形比勃姑稍大

鷹 說文作雍爾雅作爽鳩鷹爲籀文桂平之鷹能搏食生

桂平縣志卷十八

紀地 物產上

三

粵東編譯公司承印

蛇但此種少見

鷓 說文名雉亦名鷓爾雅作鷓鷃古音淫淫鷓聲近段氏云雉雖也今江蘇俗呼鷓鷃盤旋空中攫雞子食之按舊志云鷓名鷓鷃盡其伎倆不過搏鷄所謂草枯鷓眼疾者無聞焉云云盖未知鷓與鷓之別也

貓頭鶯 說文名忌欺又名舊留爾雅作怪鷓舍人曰怪鷓鷓鷓也說文舊或從鳥休聲盖鷓舊聲轉留鷓形近故舊留或爲鷓鷓莊子又作鷓鷓此物晝伏夜遊聞其聲者以爲不吉

了哥 說文名鷓鷓段注云今之八哥也左傳鷓鷓來巢鷓

公羊作鸛此物剪舌而教以人言亦能道其數字據舊志修

祕勞 說文作鷓夏小正作百鷓月令鷓始鳴注作博勞詩

作鳴鷓見七月箋作伯勞古今音相近也左傳作伯趙禽經伯

勞似鷓鴣喙黑易通卦驗博勞夏至應陰而鳴冬至而止左

傳伯趙氏司至者也貴縣志云此鳥多集歧路小樹見之則

鳴

鷓鴣 此物鄰縣皆有而不及桂平之多肉味鮮嫩食家以

為上品

鷓鴣 喙曲如鈎食魚漁家養之以取魚

麻雀 說文云雀依人小鳥也段注今俗云麻雀者是也禮

桂平縣志卷十八

紀地 物產上

四

粵東編譯公司承印

器象之曰爵爵雀同音月令雀入大水化為蛤高注呂覽曰

賓壽老爵也棲宿于人家堂宇故謂之賓爵此物桂平最多

鴉 有白頸黑頸二種白頸者為羅鴉黑頸者為烏鴉

鷓鴣 詩有懸鷓兮即此物詩言鷓者有二曰鷓之奔奔鷓

當鷓有懸鷓號即鷓鴣據段氏說文注

長尾鷓 身小尾長色或赤或白其來成羣蓋亦雉之屬西

山時見之

火炭雀 全身脊黑腹白大如鷓鴣

禾雀 早晚兩造稻花發時此雀即來千百成羣頗為農家

之患每鳴槍逐之或以禾稈結束成人形着以衣帽插田旁

則雀不敢近 按廣東有禾雀有禾花雀禾雀比禾花雀大
禾花雀本黃魚所變其說遍童孺桂平禾雀或名禾花雀非
實也

雞母雀 大四五兩鳴于春季聲如母雞故名其羽可治耳
淫

五色禾鵠 大如足拇重僅錢餘色青黃相間鳴聲悅耳二
三月間各村旁有之

登高雀 又名頂高雀以其飛甚高故名其性靈敏能學作
鵠鵠雛雞等聲富室子弟常畜

白眼鳶 形大如五色禾鵠腹白背帶竹青色正二月間時

桂平縣志卷十八

紀地 物產上

五

粵東編譯公司承印

作鳴聲性易馴養放之不去

獸之屬

虎 俗名大蟲形似貓而大皮黃紋黑桂平山多故虎產不
少以其骨浸酒可治風濕其牙以醋磨取其屑可治瘋犬噬
口其腸晒乾遇孕婦腹痛束之可愈又能下胎其作用途見
於本草綱目故山居者每以虎爲奇貨可居多以獵虎爲業
往往父子兄弟習與虎戰防以鐵傘禦以火槍或斫以利斧
善其術者二三人可取一虎否則人數雖衆時被虎傷或有
以咒術擒之者其法甚秘又有於山中設陷阱以小動物餌
而取之者虎雖勇智不敵人也虎力直往而不能紓走避者

曲行可免患虎性畏火夜行山路見持火炬則虎遠奔
馬面虎 此物虎身而頭面如馬比貓頭虎尤爲猛摯見人
卽噬邑中有之而少見

肉翅虎 赤雅云肉翅虎出石抱山晨伏宵出其飛也璣常
向鬼門關食人爲獐射殺予得見之比凡虎小翅如蝙蝠眼
閃閃如陰燐渾身虎紋飾其皮以辟百鬼余詩附見朝登綠
珠渡暮宿鬼門關合浦懸明月長藤引百蠻金蠶驚客夢肉
翅飽人還以此聞征鐸悽悽思故山粵述云潯州府貴縣山
中出飛虎云間歲一見或攫人首啄食其腦余於潯守處見
其皮長尺餘如黃犬形前二足皮特豐潤如翅然其斑紋不

桂平縣志卷十八

紀地 物產上

六

粵東編譯公司承印

似山君一云湖南山中人多縋附崖谷采取木耳或遇飛虎
繩即斷蓋其翅甚利雖然不聞食人

據府志

豹 狀似虎而小白面圓頭其紋如金錢虎生三子則有一
豹豹小時必隨母行母率子渡河則先嚙豹往以免虎子傷
噬次嚙虎往則又嚙豹回原岸俟嚙第二虎子過河乃復回
嚙豹往焉虎雖動物用心亦苦矣

虎狸 俗名揸雞虎形似虎而喜攫雞故名性溫能壯元氣
五節狸 尾毛雜間狸種此爲最大味臊

九間狸 咀銛而長尾紋有九節故名味香美

菓子狸 形似九間狸手足如人狸咀稍鈍喜食生果故名

味尤美

按府志及貴縣志以九節菓子爲一物不合

香狸 又名靈狸又名七間狸一體自爲陰陽故又名不求人

按段成式言香狸有四外腎則自牝牡者或卽此也

白額狸 或言玉面狸喜食生菓此狸之最賤者

按菓子狸喜食生果白額狸亦喜食生果貴縣志遂以菓子狸爲白額狸其實二物也

黃京 鹿之屬或名黃麇桂平多有之味鮮美

崖羊 蹄角俱長性能走險人與虎狼所不能到之處此物

桂平縣志卷十八

紀地 物產上

七

粵東編譯公司承印

能到之夜以兩角掛石崖而臥他物不能侵噬

按本草有山羊又名野羊又名羴羊注云羴羊似吳羊而大角角墮者能涉峻坂羌夷以爲翔又云山羊似羚羊色青角有掛痕者爲羚羊無者爲山羊然則崖羊其卽羚羊耶

石羊 亦似崖羊而走險不逮今年有獵者籠一蹄於賓興館求售毛色青綠而微有小點其卽石羊耶而頭無角蓋其小而未長者也

時年在己未

糖牛 府志云漢布山縣糖牛與蛇同穴牛嗜鹽俚人以皮裹手塗鹽入穴牛果舐之偶出穴不得入取其角爲器一曰

糖牛綿綉萬花谷糖牛角若瓊玖用以爲甲鳩箭蛇瘡如涼雨之

洒荷葉雅赤舊稱地產糖牛角牛性嗜鹽其角如玉今無是非

無也卽白水牛自潯至諸谿峒所在有之今之明角是也所

云與蛇同穴者當時以之充貢厲民求爲蠲免不得不危言

以動上耳志舊糖牛以蛇同穴土人以皮裹手鹽塗於上入穴

探之牛舐其鹽誘執而截其角琢以爲器珍貴勝玉市有燒

成僞爲者頗相似極易辨粵西偶記文內注

野鹿 時有鬻於市者其茸可以和藥其肉可以充庖但不

如北茸之美據舊志

野豬 紫荆山內野豬成羣踐食芋薯土人苦之然亦或往

桂平縣志卷十八

紀地 物產上

八

粵東編譯公司承印

或來非常在於一處據舊志

箭豬 古名狷周身有箭如鵝毛管而銳其兩端山居常夜

出以喙掘取薯芋食之遇捕則放其箭以刺人山民往往拾

得長箭四五寸以插鬢代簪頭貴縣志鞋匠取作軟針

猴 石山中多有之人家有畜者忌以水養飲水則身偉大

人不能敵

猿 猿性與猴性異猴貪而猿廉猴暴而猿仁故有猴之處

必無猿有猿之處必無猴山上有過嶺難者猿輒來援

鱗之屬

鱣 鱣說文作鱣出北河大者重百餘斤長八九尺或一

丈肉韌似牛肉

胡魚 一名大頭魚其頭大而性懶他省謂之慵愚又名大頭鱸毛詩齊風敝笱在梁篇箋云鱣似魴而弱鱗陸疏云鱣似魴而頭大其頭尤大而肥者徐州人謂之鱣或謂之鱣幽州人謂之鴉鷁或謂之胡鱣據此則鱣鱣本一物而胡魚頭大與陸疏所言鱣之形狀相似又與幽州人謂之胡鱣相合則胡魚卽爲鱣亦卽爲鱣又廣雅云鱣鱣也與徐州人云鱣或謂之鱣則胡魚亦鱣屬

鱣魚 巨口細鱗而味美但頭頗大故舊志誤以大頭魚爲鱣魚然攷之大頭魚卽爲鱣魚鱣卽爲鱣前辨旣明而陸疏

桂平縣志卷十八

紀地 物產上

九

粵東編譯公司承印

云鱣魚之不美者故俚語曰網魚得鱣不如吮茹今鱣魚美味自然與鱣不同亦卽與大頭魚不同蓋舊志未攷

鮠魚 毛詩名鱧疏云鱧一名鮠是也郭璞注爾雅則以鱣爲鮠鮠身圓肉厚而明與本草所言合桂地有青鮠白鮠二種白者味勝食魚生者喜用之

鯉魚 毛詩名鱣衛風鱣鮠潑潑傳云鱣鯉也周頌云有鱣有鮠箋云鱣大鯉也是也然國風又云豈其食魚必河之鯉周頌又云鱣鱣鯉則詩亦分鱣鯉爲二物以郭箋定之則鯉大者爲鱣小者爲鯉

鱣魚 鱣俗作鯽然鯽寔爲鱣此爲墨魚與鱣不同

見說爾

雅云鱣身小而楫廣雅鱣鮒也皆同此物而異名鱣魚本邑有名兔魚者梁湛霖云以其背隆曲似兔伏故名又有稱糴米魚者不知何義魚形似鯉色黑體促腹大脊隆今人以爲常饌

三鰲魚 粵東江南人名鮓魚而三鰲之名其來亦甚古攷邵晉誦爾雅義疏於鰲鮓下引全祖望說云卽粵鮓魚也諺云三鰲不上銅鼓灘謂粵鮓不過潯州也按鰲與鮓古音相通鮓音近鮓全說得之此魚之來以三四月間性喜浮網入水數寸卽得廣東曹白鹹魚以此魚醃製

鮓魚 此魚照俗稱有八種（一）爲赤眼鮓說文鮓赤目魚

桂平縣志卷十八

紀地 物產上

十

粵東編譯公司承印

也卽此種似鮓而鱗細出江中（二）花頸鮓鱗有黑點而目不赤者名花頸鮓（三）竹劈鮓又名薄刀又名雞籠劈俗讀姘聲轉也（四）青竹鮓形與鯉略同（五）張子鮓形與鮓魚略同重不過數兩（六）砧板鮓（七）翹鼻鮓其鼻翹（八）沙鰲鮓春夏不見秋冬出現河邊及沙洲間身比泥鰲略小多聚成羣此皆形異而名同是否確爲鮓之一類於古籍無攷姑依俗名著錄去爾 按第一種赤眼鮓產自清泓者最佳清泓見山川體比他處所產稍肥短大者重至五觔肉細膩甘鮮與浩溪鰲魚齊名

鰲魚 本草李時珍說以鰲魚爲鰲魚卽詩敝筍在梁其魚

魴鰈之鰈其說云鰈魚體似鯨而腹平頭似鯢而口大頰似鮎而色黃鱗似鱒而稍細大者三四十斤善吞啗故名鰈魚又名鮎魚鰈者敢也鮎者啗也性崛強春夏潦漲隨水所之或入窮坑漁者從坑以椿截之潦退魚出見椿卽憤退數丈掉頭向椿疾趨以頭碰椿頭破身死不悔又喜獨行啖魚無厭然每遊至水盡路窮將退出時則羣魚必隨其後藉其在前衝陷障礙以同出險故俗名水老虎重者三四十觔與本草言合

長嘴鰈 又名長頭鰈此魚於古書無攷正字通以爲鰈魚然攷字林云鰈頭中有石一名石首與此不同當非一物此

桂平縣志卷十八

紀地 物產上

一一

粵東編譯公司承印

魚體圓厚而長似鰈魚腹稍起扁額長喙細鱗腹白背微黃性好噉魚

鰻魚 又名沙扁魚說文鰻魚也鰻或作鰻出本邑江上有池塘亦有之

魴魚 形似塘蝨而身大有齧口有鬚

骨魚 頭鈍耳細角鬚俱廉銳堅如鐵形色同魴魚而稍小廉魚 似魴魚而小色斑黑中雜金黃色多齧大者重二觔許

鰻魚 又名沙漣魚大口細鱗與玉篇廣韻言合產自浩溪者最佳浩溪見山川 色斑紫肉嫩美與清泓鮫魚齊名

花魚 肉細嫩比黔骨爲美生小河石坎中身長色黑有斑點亦喜食魚池塘有此魚必去之惡其爲羣魚之害也又名生魚

赤星魚 尾有紅點如星故名

七星魚 說文名鱻胡氏毛詩後箋云鱻卽今所謂烏頭魚有七星者一名鱻邑內有之但甚少

泥鰱 說文作鰼爾雅鰼注云今泥鰼正韻鰼音鰱泥鰱生下田淺淖中似鰼而身短首銳而色黃黑有漿濡滑難握穴泥中與他魚爲牝牡

嘉魚 體圓多脂九十月間始出桂海蟲魚志嘉魚狀如小

桂平縣志卷十八

紀地 物產上

一一一

粵東編譯公司承印

青多脂味極腴美

據府志

銀魚 出縣北南淥思盤江穴中色白而小似北方麵條魚

府志

鱮魚 說文作鰼有黃白二種粵東白鰼有大如碗者桂平則有大如臂者亦有之黃者出二三月間清明時節以此爲最佳饌

塘角魚 一名塘蝨色黑無鱗頭有兩角甚銳刺人殊痛

印魚 產綠水潭身有紋如印

府志

狗魚 狀若蛤蚧而尾禿以其四足而獸身也故名曰狗大可三四尺小亦數寸味極佳爲鮓可以餉遠產猺地山澗間

晝潛水中夜則上樹食果實性兼水陸能滋補大黃思旺兩
墟多有售者嶺表異錄云義全嶺之西南靈水溪內皆修尾
四足丹其腹若守宮游泳自若漁人不敢捕之疑卽是物府志
金魚 以供玩好初生色黑尾極大漸而黃黃如金舊志
虫之屬

蛤蚧 形似田雞而有尾尾力大能補氣

蟾蜍 說文虫部蜎鼃詹諸以脰鳴者黽部鼃鼃詹諸也其
鳴詹諸其皮鼃鼃其行鼃鼃皆指此物鼃鼃毛詩作戚施爾
雅作鼃鼃鼃諸鼃鼃卽蜎鼃一語之轉此物能除瘡癬之毒
能噬蜈蚣

桂平縣志卷十八

紀地 物產上

一三

粵東編譯公司承印

蝦蟆 俗名三角拐背有黑點身小能跳接百虫作呬呬聲
舉動極急蟾蜍身大背黑無點多疔磊不能跳不解作聲行
動遲緩絕然二物

青竹蛙 俗名青竹拐形似蝦蟆皮色青而有縹伏於草木
葉中人不見

田蛙 一名蛤蛙或讀作雞故又名田雞形似蟾蜍而皮黑
腹白味鮮其胃尤脆而有味

牛牯蛤 似蛤而小背有白線自首貫尾治小兒脾胃病可
用之又有一種背無白線者俗名蛤仔兒此皆蛙屬

鹽蛇 當作蝮蛇說文在壁曰蝮蛇在草曰蜴易或謂之守

宮又名蠓蚘此物爲夜光蛆食品見夜光蛆來則張口迎之
蛆自口而入不知者以爲蠓蚘之食蛆也久之蛆自蠓蚘口
出取蠓蚘剖之而腸府盡矣關尹子虫螂蛆食蛇蛇食蛙蛙
食螂蛆互相食也動物情狀固有非博物家所能盡者豈惟
夜光蛆之食蠓蚘而已

草龍 色黃身大如鹽蛇長一二寸尾長四五寸有四足豸
畫眉者以之

蛇 此類亦繁祇舉其著者言之有全身黃黑相間者爲金
包鉄又名金角帶又名瓜蛇有全身黑白相間者爲銀包鉄
有皮似紅鱗者名簸箕筴又名紅鱗草毒有飛行如梭穿林

桂平縣志卷十八

紀地 物產上

一四

粵東編譯公司承印

越樹捕食鳥雛者名過樹龍又名黃梢蛇有性兇而毒見人
卽伸頸高立張其牙喙大如飯匙逐人欲噬或遠噴毒氣使
他物不敢近者爲飯匙頭有身青而大如母指耳矚不聞聲
音常卷少伸夜則在路博食耗子者爲青竹標又名土錦蛇
身長尺許大如小指色如山中捻子夜橫路上者名捻子掌
自頭至尾排列三線或黃或白者爲三索線有全身色烏者
爲烏肉蛇骨與肉俱黑者爲黑骨蛇大者如水桶小者如大
碗身有斑點長二三丈短或丈餘伏于山谷之中見婦人或
吞噬或擒而辱之者爲蚘蛇蚘蛇膽能治黃瘡浮腫酸濕各
病而不甚毒毒者金包鉄銀包鉄爲甚被咬者不可移步但

移三步則毒隨血行須臾遍全身入心卽死不可藥次爲捻子掌受毒傳三時死次爲飯匙頭次爲青竹標次爲簸箕筴受毒對時卽死又有一蛇身具四足身長五寸者名五寸錦被咬者毒傳一日亦死其餘黑骨烏肉皆無甚毒又有背黑而斑腹紅者爲涇蛇身有花如女子所織之帶者名花帶蛇又名草花蛇皆無甚毒可無論焉蛇愈毒而愈能治病屢經試驗凡風濕寒脾骨節疼痛各症他藥不能效者蛇能醫之故近來業捕蛇者日衆而蛇類漸少好而知其惡憎而知其美於物固有然矣

附府志蚺蛇胆記 赤雅云蚺蛇尾有鈎口無齒其聲甚

怪似貓非貓似虎非虎擊之則鳴猶龜焉灼之則鳴也九寸者吞赤蟻六十寸者吞象三十寸至九寸者吞豺狼虎與鹿豕人吞之法以尾鈎卷定以氣衝死濡濕乃吞吞畢懸于樹上絞至糜爛骨角皆從皮出望之若神龍蛻骨耳又云蚺蛇三胆一附于肝者止痛一水胆白漿止瀉一胆隨身擊其處則胆隨至名護身膽最佳眶辟邪殺鬼佩之吉祥肉辟風寒皮過三十寸者曰龍皮一端千金波斯市之爲鼓聲振百里雄視萬里舊唐書文帝紀文宗太和二年帝與侍講學士許康佐等語及蚺蛇膽生剖其腹爲之惻然乃語度支曰每年供進蚺蛇膽四兩桂州一兩賀

州一兩泉州一兩宜於數內減三兩桂賀泉三州輪次歲貢一兩

蚯蚓 卽廣東人所稱黃螾說文螾螾也爲粵人稱螾所本或作蚓段注蚓俗曰曲蟻漢巴郡有胸忍縣以此虫得名桂平或名土螾又名土龍復名泥紉

馬蝗 一名水蛭池澤處處有之入人肌肉蝨血誤吞則生子人腹中噉臟血飲黃土水數升可解

蟻 其種有黃絲蟻色黃走馬蟻色黑大水蟻身長七八分有翅能飛見則大雨來

白蟻 生于卑濕其侶甚衆凡物皆噉書籍衣服頃刻而盡

桂平縣志卷十八

紀地 物產上

一六

粵東編譯公司承印

畜竹絲鷄則能免其患或多畜白鴿可治之

蜈蚣 生於老屋棟梁密處其齒有毒噬之甚痛以耳中油醫之最便且驗以醬敷或以紙作撚薰之或捕蜘蛛嚼其毒痛立止爾雅云蒺藜蜈蚣注似蝗而大腹長角能食蛇腦卽此物廣雅蜈蚣蜈蚣也關尹子三極篇云蜈蚣食蛇蛇食蛙蛙食蜈蚣互相食也問之老農說皆如此

夜光蛆 又名放光蛆多足似蜈蚣日夜緣牆壁而行身有光火色雜紅綠以手觸之成粉粉著處生光逾時不滅廣東名夜光虫

土狗 說文名螺蛄莊子作惠蛄孟子蠅蚋姑噉之之姑亦

此物此物能治蛇多棲于蛇穴見邵晉涵爾雅正義
地龜虫 他省名地鼈虫大如豆以手觸之則足卷于腹墜
地與泥混博物者以爲變形類詩豳風東山篇伊威在室卽
此物

蜻蜓 說文名蜻蛉桂平有紅黃黑三種紅者尾大身小黑
者尾長身大黃者身尾與紅者同

斑貓 貓當作蚤此物又名豆角虫以食豆角故名大如手
指身長圓翅堅如甲闔則蓋其全身色黃有黑點其足六搗
之出汗能壞皮膚治頑癬者用之

蝻 有禾花蝻大風蝻油蝻三種以大風蝻爲最大有一種

桂平縣志卷十八

紀地 物產上

一七

粵東編譯公司承印

聲如鳥如蟬者西山樹上夕陽掛枝時常聞之

蜂 蜂有九種一屋蜂名黃蜂窠屋常見二地貫蜂疑卽爾雅
之土蜂

造巢於地穴之下大如小指色黑腰間黃三雞籠蜂形如地
貫蜂惟造巢在草樹之上而不在地四草鞋蜂形小而色斑
性兇悍五火筒蜂色黃大如箸以巢形如火筒故名六烏蜂
造巢生子于竹筒之內又名筒虫爲藥肆用品身黑如墨大
如指七天燈蜂造巢于高樹之上下垂如雀籠燈故名大如
中指色黑並白八地龍蜂形似蜜而小亦巢于地見人不螫
九沙牛蜂造巢於低樹或荒山草坡中身黃如沙牛性刁悍
見人或牛過則疾飛來螫之此外有蜜蜂
畜者不少

蜘蛛 又名磚周磚蜘蛛周蛛聲近也有長脚短脚之別短脚者形扁身小色白或有斑者大略過于蠅結繭於壁大如銅錢以藏其身並生育焉時出窓戶几硯間伺蠅伏搏之鄉人名蜘蛛兒城廂名壁虎以其走于壁也又名蠅虎以其噬蠅也長脚有腹大者結網空中排列縱橫玲瓏齊整巧匠不過結繭大如錢輒如綿皮肉小傷者取其繭貼之能止血脚長身小者或名螞子詩豳風蠪蛸在戶卽此物結網間架隨意不似腹大者之有條不紊有蠅飛過則伸其長足牽網絲以卷之蠅不能動乃噉焉

蟬 蟬類難攷舊志云夏間鳴蟬一種各處皆有而境內之

桂平縣志卷十八

紀地 物產上

一八

粵東編譯公司承印

蟬有獨善者由低而高此停彼接嚶嚶清晝作金石聲追想前遊如桂林石山之秋蟬長江落日之亂蟬西風烟柳之風蟬皆不如此地之蟬云此以聲而見稱者又潯州府志云綵金蟬類螢火而遍身金身背負圓片如玻璃產桂林按此虫潯州時見之生豆葉上身四足如龜形其背圓如鏡卽其翅也此以形之美而見稱者故並錄之

線火虫 春二月間見之古籍名螢爲腐草所化其腹盖有磷質故能生光白日不光者光爲太陽所掩耳詩豳風東山篇熠燿宵行毛傳熠燿磷火也磷火螢虫也可爲正解朱子以熠燿如蠶其喉有光似指夜光蛆與毛傳殊當從毛

線火一名天火

胡蝶 蝶亦名蜨爲蛄蜥烏蠅等羽化而成有四翅甚大形色不一或白或黃或五色按虫類之由蜴形而化蛹由蛹而爲有羽之虫者不一如蛾如蠶如胡蝶如蟬皆是
龍蝨 出吉一里大者如拇小者如指體色黑微黃翼邊緣金者佳性滋陰愈溺患秋冬水乾輒飛聚山塘藪澤多水草處

介之屬

龜 境內罕覩

鼈 各處皆有吉一里沙坡河最多

鼃魚 形似鼈而小背有駝峰畜水缸中取其吐涎服之治

桂平縣志卷十八

紀地 物產上

一九

粵東編譯公司承印

陰虛病

山瑞 瑞當作崇俗以崇爲不祥而避之形如鼈而甲緣有晶點盤旋能滋補

螺 說文作羸羸有二種一生于水者卽今人取食之螺桂平此類有二種在水田生者爲田螺在河水沙石中者爲石螺田螺甲薄而體大石螺甲堅而體小田螺肉鮮石螺肉實二生于陸上者卽今之蝸牛蝸亦螺也周禮儀禮羸醢內則作蝸醢羸螺同聲螺蝸疊韻薛綜東京賦注曰蝸者螺也崔豹古今注蝸陵螺程氏瑤田釋虫小記曰蝸牛蝸謂其所居之房卽螺也與羸通又謂之蠹故集韻以蠹羸蝸四文爲一

字並指其殼而名之爾雅蚘贏蟻蚘蚘蚘背附其殼故曰蚘贏有首尾能出殼行蟻蚘然故曰蟻蚘郭氏注之曰卽蝸牛是也由是言之蝸螺贏本一物異文螺與蝸古人皆爲食品今人謂水中可食者爲螺陸生不可食爲蝸周漢間無此分別也桂平之蝸與他處所見者無別惟府志引嶠南鎖記云潯署頗有園池花樹偶見花根上一物蠕動就視之大蝸牛戴殼而行可容半升許云則其特殊者矣鼻涕虫卽蚰蜒又作延游蝸牛之無甲者蟘蚘似蟹甲旁無刺生田中能害苗稍大者去甲以油炸之或以火炙熟可作小兒食品

桂平縣志卷十八

紀地 物產上

二十

粵東編譯公司承印

蚌讀去聲

以說文考之蚌爲蜃屬蜃爲大蛤則蚌亦蛤屬也

桂平之蚌有重至八九兩者出泥河中

蟾蜍讀去聲

此爲蛤之屬說文蛤有四種一曰蜃爲大蛤雉

入水所化蚌其屬也二曰厲十載雀所化又謂之牡厲三海蛤百歲燕所化四名魁蛤老服翼所化也段氏注云服翼蟬也方言釋魚魁陸注曰本草云魁狀如海蛤圓而厚外有理縱橫卽今之蚶也按宋人謂之瓦屋子今浙人食之亦名瓦隴子桂平所產不知於四者誰屬惟以段注圓厚外有理縱橫之狀求之則爲魁蛤之屬矣

蜆似蚌而身圓小俗名掩兒亦蛤屬